



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-44803-3/21
Sarajevo, 09.12.2021. godine

PREDSJEDAVALAČI SKUPŠTINE KANTONA SARAJEVO

PREDMET: Amandman Vlade Kantona Sarajevo na prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, dostavlja se

U skladu sa članom 151. i 152. Poslovnika Skupštine Kantona Sarajevo („Službene novine Kantona Sarajevo broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), Vlada Kantona Sarajevo na **54.** sjednici održanoj dana **09.12.2021.** godine, zauzela je stav i podnosi sljedeći amandman na prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom

A M A N D M A N

U članu 20. prijedloga Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, iza stava 1. dodaju se novi st. (2), (3) i (4) koji glase:

„ (2) Izuzetno od čl. 149., 153. i 157. ovog zakona, ukoliko je u tekućoj godini prosječna plaća utvrđena u skladu sa članom 13. st. (1), (2) i (3) ovog zakona manja od prosječne plaće u Federaciji Bosne i Hercegovine, iznos novčane naknade plaće ženi – majci u radnom odnosu i novčane pomoći nakon porođaja ženi – majci koja nije u radnom odnosu, ne može biti manji od prosječne plaće u Federaciji Bosne i Hercegovine za prethodnu godinu.

(3) Prosječna plaća Federacije Bosne i Hercegovine iz stava (2) ovog člana se utvrđuje instrukcijom iz člana 13. stav (3) ovog zakona, na osnovu posljednjeg objavljenog statističkog podatka Federalnog zavoda za statistiku za prethodnu godinu.

(4) Neovisno od izuzetka iz stava (2) ovog člana, doprinosi za PIO, zdravstvo i osiguranje od nezaposlenosti, te poreske obaveze iz člana 150. ovog zakona, se uplaćuju isključivo na iznos naknade plaće ženi – majci iz člana 149. stav (1) ovog zakona.”

Dosadašnji stav (2) postaje stav (5).



O b r a z l o ž e n j e

Ovim amandmanom se propisuju izuzetci kada su u pitanju iznosi novčane naknade za ženu - majku porodilju koja je u radnom odnosu i novčane pomoći nakon porođaja ženi – majci koja nije u radnom odnosu. Ukoliko je u tekućoj godini prosječna plaća utvrđena u skladu sa članom 13. st. (1), (2) i (3) ovog zakona (trenutno iznosi 750,00 KM) manja od prosječne plaće u Federaciji Bosne i Hercegovine, iznosi novčane naknade i novčane pomoći se ovim amandmanom izjednačavaju i utvrđuje da ne mogu biti manji od prosječne plaće u Federaciji Bosne i Hercegovine za prethodnu godinu.

Novčana naknada za ženu – majku koja je u radnom odnosu trenutno iznosi 450,00 KM, a novčana pomoć za nezaposlenu ženu – majku 225,00 KM.

Predviđeno je da se ona za tekuću godinu utvrđuje na osnovu zadnjeg objavljenog statističkog podatka Federalnog zavoda za statistiku o visini prosječne plaće u Federaciji BiH za prethodnu godinu (trenutno iznosi oko 1.000,00 KM).

Također se ovim amandmanom predlaže, da neovisno od izuzetka iz stava (2) ovog člana, dakle za novčane naknade za koje je utvrđeno da ne mogu biti manje od prosječne plaće u Federaciji Bosne i Hercegovine, doprinosi za PIO, zdravstvo i osiguranje od nezaposlenosti, te poreske obaveze se uplaćuju na iznos naknade plaće ženi – majci iz člana 149. ovog zakona.

Razlog je činjenica da se od strane Kantona Sarajevo zaposlenoj ženi – majci porodilji koja je ostvarila pravo na novčanu naknadu, uplaćuju doprinosi na ime PIO/MIO, zdravstvo i osiguranje od nezaposlenosti i izmiruju poreske obaveze u skladu sa zakonom i to samo za iznos naknade plaće. Kako bi se precizno utvrdilo na koji se iznos novčane naknade plaće za zaposlene porodilje uplaćuju doprinosi i porezi, predloženo je da to bude iznos novčane naknade koja se utvrđuje u skladu sa prosječnom plaćom u Kantonu Sarajevo.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za rad, socijalnu politiku, raseljena lica i izbjeglice Kantona Sarajevo,
6. Evidencija,
7. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и избјеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-04/1-11-27415-2/21
Sarajevo, 08.12.2021. godine

MINISTARSTVO FINANSIJA
KANTONA SARAJEVO
- OVDJE -

PREDMET: Očitovanje na Nacrt Budžeta Kantona Sarajevo za 2022. godinu

Ministarstvo za rad, socijalnu politiku, raseljena lica i izbjeglice Kantona Sarajevo predlaže da se u Nacrtu Budžeta Kantona Sarajevo za 2022. godinu, izvrše slijedeće izmjene:

A. Pozicije na koje treba dodati sredstva

1. U razdjelu 23010001 – Ministarstvo za rad, socijalnu politiku, raseljena lica i izbjeglice Kantona Sarajevo :
 - Na ekonomski kod 613800 – Izdaci osiguranja, bankarskih usluga i usluga platnog prometa treba dodati iznos od 1.400.000,00 KM. Sredstva su potrebna iz razloga što u 2021. godini, nije provedena nabavka usluga izdavanja bankarske garancije za otkup zgrada GPA Bosnia, društvo za razvoj stanogradnje d.o.o. Sarajevo, te da bi se ista provela u 2022. godini potrebno je obezbjediti ova sredstva na navedenom ekonomskom kodu.
 - Na ekonomski kod 614200, pozicija NAM002 – Zaštita porodice sa djecom, treba dodati iznos od 29.010.000,00 KM, tako da će sredstva na toj poziciji po uvećanju iznositi 63.349.321,00 KM. Dodatna sredstva su potrebna iz razloga što je Vladi Kantona Sarajevo dostavljen Amandman na prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom. U prilogu je i detaljno obrazloženje dodatnih sredstava za provođenje dostavljenog Amandmana.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



B. Pozicije gdje treba izvršiti preraspodjelu sredstava


1. U razdjelu 23010001 – Ministarstvo za rad, socijalnu politiku, raseljena lica i izbjeglice Kantona Sarajevo, za obezbjeđenje nedostajućih sredstava za nastavak realizacije projekta izgradnje objekta kolektivnog stanovanja, lokalitet Šip, općina Centar, za stambeno zbrinjavanje interno raseljenih porodica i porodica u stanju socijalne potrebe – II faza u iznosu od 160.000,00 KM, potrebno je umanjiti sredstva na slijedećoj poziciji:

- Poziciju NAM044 – Raseljena lica i izbjeglice treba umanjiti za 160.000,00 KM, tako da će sredstva na toj poziciji po umanjnju iznositi 590.000,00 KM.
- Istovremeno na poziciju NAX017 – Izgradnja objekta kolektivnog stanovanja Šip, treba dodati iznos od 160.000,00 KM.

Ovim izmjenama u Nacrtu Budžeta Kantona Sarajevo za 2022.godinu, budžet se uvećava za 30.410.000,00 KM.

Pripremila: Edina Jakubović, šef odjeljenja

Kontrolisao: Nuriya Hodžić, pomoćnik ministrice



Dostaviti:

1. Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

